

EIBARTAR ZELEBRIAK

III

PETITAREN EZTENKADAK

Petitarren zelebrekeriak pe eztira txikixak. Petiten familixan, semiaiak pe aitaren ezpalekuak urten dabe, ala be nausifia. Emen jasotzen ditzugun gertaera apurrak muestratxo batzuk besterik eztira. Penagarria da denporaz jaso biar eza. Asko ta asko galduzat emon geinkez, baña ara emen jaso ditudanak:

1920-garren urte inguruan, Habanako frontoian ziran Nabarrete, Untzueta ta Ramon Gómez "Petit" (aita) eibartar pelotariak. Anakabe ondarrutarra be eurekin euan.

Anakabe, ondoezik txamar ebillelako, jokatzia gutxituta eukan eta ipintzen zetsezen partiduak galdu baño ez zitzuan egiten. Orraitxiok eldu jakon bere txandia, ta Petit lagun ebala, zorionian irabazi eben partidua. Ta, intendentiak esan zetsan:

*—Muy bien, Anakabe, hoy has jugado como quien eres, te felicito
Has estado inspirado.*

Gero; dutxia artzen zeuazela, ixillian, Anakabek Petiti:

—Aitzik, Erramon..., zer dok "mixpillao"?

Petit okertxua izanez, garbi ikusi eban Anakabe gizajuak bae-karrela aldrebeskeriren bat. Ta, gaiztuak alakuak:

—“Mixpillao” esan dok? Batedon-batek bota deuk ala?

—Bota desten edo ezteten, iri ezteuk ardura. Esaidak zer dan “mixpillao”.

—Ba..., benetan, Anakabe..., Neri “mixpillao” esango balestakiek, ara... Danba!, nik, betondokua.

—Ondo dagok, Petit. Esan duana naikua juat.

Bixamonian, goizeko amaikak aldian, zuria edatera juateko usarrixua euken tokian, an ziran pelotari, korredore, ta abar, lagun mor-

do bat. Euren artian Anakabe, arpegia kolore barik eta amorruez dardaraka. Petit bere aldamenian, zer ikusi biar ete eben, ezer esau barik baña bai Anakabe zaintzen, astakeriren bat eñi ezeixan. Andik pixkatera, or sartzen da intendentzia, ta juan zan beragana, Anakabe. Eldu paparretik eta begietatik sua zerixola, esan ei zetsan:

—Aitzizu ia..., "Mixpillao" será usté... Intendentia y tu tía. Katsu!... Kakatsu!

Petit albuau izan ezpazan, danba! be, or orrenbaten.

* * *

Petiten urterak, obeto esan da Petitarrenak, beti izan dira zelbriak. Aitxa-semiak, beti izan dira gizon argiak, batez be aita, oser-ta arritzekua, kaña baten lekuaren bifiaka eukitzia. Kaña leku auke-rakua ei da ta.

Bein, eztakigu zer zala-ta, luzaro geixorik egon biarra izan eben. Ta berak diñuanez, etxe aurrera azaltzen ziran txoriak pe, bakoitzera izenez ezautzeraño eldu ei zan. Orrez gañera, oserbatzen ei eben, zortzi eztul klase eukazela.

Orregaitik, errekonozimentura juan zan batian, medikuak agindu zetsan:

—Eztula eñeik.
—Zer tonutan?

* * *

Beste bein, eibartar guztiak gogoratuko dira, Eibarrera zelan agertu zan iñoz ezautu eztan moduko automobil dotore bat. Uste dot, erri guztia aua zabalik laga ebala. Kalez-kale buelta batzuk emon ondoren, Untzagako plazan gelditu zan.

Ain justu be, an euan Petit euzkia artzen. Ta berari dei egin zetsen automobilkuak, zerbaitek preguntau naian. Petitek berbia emon zetsen, da unatxo baten esplikaziño batzuek emon ondoren, be alde-rutz bialdu zituan. Ta Calbeton kaletik ezkutau zan "aiga" dotoria.

An inguruan muturra luzetuta ebizten autubatzalle batzuek urreratu jakozent Petit, galdetuaz:

—Zer esan deuk?
—Biar billa dabizela ta ia nun falta diran pioiak.

Ez ori boliori iñork sinistu ebalako, baña aretariko batek, autua jakitziak bañio eztenkadaren bat entzun nairik, zirrikauaz:

—Da, zar esan detsek?

—Ba, Maltzako Barrabillazeneko kanterara bialdu jitxuat, antxe falta dirala biargiñak eta.

Petit bazan be, semia ezta gutxiago. Beinke: zer ikusi, a ikasi.

Neguko domeka otz baten, Kalamua inguruau kazan ibilli ta, otzak gogortu biarrian jo eben, bera ta bere lagun batek, San Roman-go txabolara. Sartu ta lelengo gauzia sua ixotu, inguruau billautako abar ta egurrekin.

San Romanguak, euren txabolatik keia urtzen ebala konturatu ziranian, erretzen ete euan estututa aintxitxiketan juan ziran.

Basarritarra, estu ta larri allegau zan, arnasia bueltau eziñik. Ikusi ebenian barruan batedon-batzuk euazela, pixkat trankildu zan. Baña, asarrez esan zetsen.

—Zer mutillak! Zelan bururatu jatzue txabola barruan sua eitzia?

—Ez, zera, "mantekaua" eñigo genduan, dagon otzonekiñ.

* * *

Eskupetia bizkarrian, mendira juan zan goizian-goizago. Jo batera ta jo bestera, erreka-zuluak ziar, sasikartietatik mendi-tontorre-taraño ibilli ondoren ez eben alerik bota.

"Bueno, ez-biarrik partzeko, baziari on bat eñi neixan", esan ei eben berekautan, ta Egotxia aldetik jo ei eben Elgetako Martin-txorena. Bere tratuak partu zitxuanian, patxaran, pasiuauz, mendiz etxerutz. Azurtza gañetik ziar, Altamiratik bera etorrela topau dau ollo bat bidian. "Oñezkerok, lumaduna, lumadun", esan eta tiro bat-tegaz seko laga eben. Usterik ona egongo zala Mari-Katilluneko kazuelan.

Bixamorian, an da basarritar bat tallarrera bere billa.

—I, esan jestek, i intzala atzo illuntzian gure ollo bat il da eruan ebana.

—A! Zuena al zan ba?

—Bai!...

—Bueno, bueno: ez iraotu. Emongo detsut eta.

—Zergaitik il eben?

—Ez, zera eñigo neban..., al nebana. Illunabarriean bidera urten estan da *en defensa propia*, tirua nik. Gero, gizajuak, pena emosten, ta zelan ez nekian seniderik eukanik, bere on biarrez, neuk jabetasuna arturik ekarri neban.

* * *

Itziar aldian baziariak merke eitxen zitxuen zaratiak, eibartar bat bañio geixago eruan zitxuan alde artara kazara. Bein, euren arteko zan Petit gaztia be.

Bazkari merkiak artzeko okasiñuak zelan ez diran noiz nai izaten, aprobetxatze alde eiñ eban kriston "fafua", kafe konpleto ta guzti. Bazkalonduan, guztiak alai ebizen, unamorixuan, ango kantau bia-trak ez ei eukan akaburik:

*Ez det esango, bai det esango,
ez naiz ixillik egongo:
Nere erriko neska gaztiak
ez dira monja sartuko.*

Jotakeia, ezerkin konturatzeko. Korua eiñaz kantau arren, ez ziran korurakuak:

*Aiek, oiek; aiek, oiek,
Arraguetako neskoiek...*

Baña, baña; urriñeko intxeurrak beti zarata ona ta ugaria. Eibarrak ostatu arretarako euken joerari probetxua ataratzen asita euazen. Pagatzeko orduan amaitu ziran aren kantuok. Orduan, Bilboko Carlton-a zirudixan. An ustuz biar izan zitxuen boltsillo baztarrok. Iñork ez eban izan adorerik kantuan jarraitzeko. Ala be, Petiten bo-

*...txin-txin, txin-txin!
diruaren otsa...
Ederto ustuz jaku,
—Maitia!
gaur, soñeko boltsa.*

Apal altzau ziran jarlekuetatik. Aldetzerakuan, etxe-ko-andriak esan ei zetsan Petiti:
—Laureano, gorantziak aitari.
—Bai, emongo detsadaz. Len be orretxek izaten ziran merkenak eta.

IV

MARIÑON PASADISUAK

Mariño, bere denporan pelotari ona izandakua, gerora peskari zalia biurtu zan. Da, peskari moduan, olako pasadizuak izan ei zitxuan:

Maltza inguruan peskan euan lekutik abade bat pasau ei zan, Mariño-n ezaguna. Naiz ta bera elizatarra ez izan.

Galdetu ei zetsan:

—Da, Mariño, zenbat? —esan ei zetsan abadiak, jakin nairik zenbat arraiñ arrapau zitxuan.

—Jangoikuak aña —Mariño-n erantzuna.

—Bat orduan?

—Ez! Batpeez!

* * *

Beste bein, inguru aretxetan peskan ebillela, Guardiazabil ezaun bat urreratu ei jakon.

—Mariño, badaukak peskarako lizentzia?

—Peskarako lizentzia?

—Bai. Peskan eitzeko lizentzia biok.

—Lizentzia ez. Peskak biar dana dok, pazientzia.

* * *

Beste bein be, erreka bazarrian peskan ebillela. Arrak, txitxarak, eta gañierako koko klase guztiak probau ondoren, ogixakin asi ei zan, baña iñolaz be ez ei eben pikatzen. Denporia aurrera ta ez loiña ta ez bargu, ez ei eban ezer arrapau. Orduan, asi ei zan inguruan euli arrapatzen. Baña eulixe-kin be alperrik. Arraiñak ez euken pikatzeko asmurik egun orretan.

Amorratu zan Mariño arraiñ egosgogorrak ezerkin tentau eziñik, ta eskua boltsillora sartu ta errrial bat atara ei eban. Ta, diño crrekara jaurtiaz:

—Txitxarak ez dozue nai, arrik pe ez, ezta ogirik pe, bai, ta aspertu nok eta, aiba erriala ta erozi zeuek nai dozuena.

* * *

Domeka gabe batian, ayuntamentu ostian ixillikuetan txixa arra bat eitzten euala. Atzetikara agertu jakon Alfiler aguazilla, ta:

—Mariño, peseta biko multia emen txixa eitziarren.

Mariñok, batera-batera, txixa-eñari lagaaz:

—Autsa peseta bat, erdi bakarrik eiñ juat eta.

* * *

Egun baten, beste batekin berbatu zan. Berotu zizan besakadetara eldu arte. Baña, Mariño pelotari izana ta errebeskada ederra eukanez, betondoko bategaz bota eban ankaz-gora.

Bestiak, jaiki zanjan, eskuak betondora eruanaz:

—Au eztok olan gelditxuko!

Ta, Mariñok:

—Ez orixe. Ez jak olan gelditxuko. Aunditxu eiñgo jak.

* * *

Eibarren bazan neuriz gañerako burua eukan bat. Errikan nai-kua berbakizun ipintzen eban Joxio buru-aundixak. Gizajuaren "gan-barria" zala-ta, amaika jardun ta amaika eztabaida izaten ziran. Bai-lan maniatzen zan jausi barik ekilibrixua zaintzeko. Beste batzuek, ia buruko-miña eukanian zenbat aspirina artzen zitzuan; eta orre-lakuak.

Bein, pelukerixa batian ulia mozten euala, sartu zan beste be-zero bat eta barrukaldera begiratuta "Bixar arte" esan da alde eban. Orduan, pelukeruak:

—I, Manu, auxen bakarrik jaukat —esan zetsan atetik.

—Orretxegaitik pa, bixar arterañoak badaukak.

Urte mordoxka bat da au pasau zala. Mariño pelotan onenian ebi-lela. Aiñ onenian eze, danak espero eben txapeldun izatera elduko zala, ta berak pe bai itxuria. Ba, bein, erpresarixuari esan ei zetsan:

—Zu, Bidarte. Ni iñioizko denporan txapeldun izatera eltzen ba-naiz, Joxion txapela nai neuke.

—Joxiona?

—Bai. Joxio buru-aundixana edo bestela bere neurriko bat.

—Zer dala-ta baña? —preguntau zetsan Bidarte empresarixuak.

—Ba, Joxion txapelak barrukaldetik daroian ugalakin gerriko bat eitxia nai neuke.

* * *

Pelotan jokatzen kantxara urten zan batian, eztakigu zelan, baña zabaldu zan aurretiko egunian mozkortuta ibilli zala Mariño. Eta ori jakiniik, zer esanik pe ez; jentia, dirua bere kontra jokatzen asi zan, ugari gañera.

Orraitxiok, lelengo tantuetan, ondo be ondo jokatu eban eta bera zoian aurretik. Baña, jentiak, duda barik galdu biar ebala-ta, dirua bere kontra jokatzen jarraitu eban. Ze, baziran esaten ebenak, anken gañian oztoztañ ebillela. Mariñok, barriz, jokua, geruago ta sutsua-gua ekarren. Eta, jentiaren ustien kontra, ta jakinia, baita kontradi-xuana be. Danen arrigarrirako, pelota-partiduori errez irabazi eban.

Amaitzu zanjan, aiskide bat urreratu jakon esanaz:

—Sinistiai pe kontuak jaukaz, olako partidorik eztok eiñ eure bizi guztian. Ori zuan jokatu. Zelan konpondu aiz azkenera arte utsik barik eusteko?

Mariñok igarri zetsan nora zoian. A be, mozkortuta euan ustera.

—Zelan eiñgo najuan ba uts? Neukan mozkorrakin, lantzian lau pelota ikusten najitxuan, eta nai ta nai ez, txortara besakadia botata, lauretarikoren bat azertatzen najuan.

* * *

Denpora aretxetan zan, Ondarrabiko taberna batian bazkaltzen euala, sartu ei ziran frantzez kuadrilla bat. Ta, eurak dauken kundi-mentu oitzuraz, pasauala danak: "Bon profit" eta "Bon profit" etetzeka. Gero be, sukalderra ez-pazan, komunera edo danalakora pasatzen ziran bakotxian: "Bon profit". Eta, ainbeste "Bon profit"-i ordañez eskerrak emoten buruko ulietarañoak aspertuta euan gure Mariño. Beti "Bon profit" eta "Bon profit".

Berriz be, jaiki zan bat norabaitx, baña Mariñok berekautan: "Entzun biar destak entzutzekoren bat, bai".

Frantzeza, ostera be pasau da esanaz:

—Bon profit.

Mariñok:

—Bestetik artik.

Frantzezak, nai baleuke edo aitxu, ta:

—Merci.

* * *

Gerratian, ez ba Mariñok iñori gaitzik eiñgo zetsalako, ze txarrerakorik ez eukan da. Baña, deteniduta eroien, gizajua. Estaziñuan, trenera sartzerakuan, tren bertatik urten eban ezaun bat gelditxu zan, arritxuta begira. Ta, Mariñok:

—Or ba, zelan diran gauzak. Beñora ezkeriokan pelotarako gauza eznintzalakuan, baña banajaroiek... Ez jakixat nora; kontraturik ez jestek eiñ da.

* * *

Karzelan, Apotxiano, errepublika denporan konzejal izandakua, beti ei ebillen kezkaz:

—Ni, preso? Nik ez juat barren ezer eiñ... Ni ez nok barren ezer-tan sartu... Ni ez nok ezer...

Mariñok:

—I, ez aizela ezer? Da, ni zer? Nik zer jaukat ba txarrik? Azi-do-nitrikua nok ni ala?

* * *

Gizon ixilla ta elizkoia zan Gonzalo Sarasua "kerizpera" sartzen ikusi ebanian, esan ei eban Mariñok:

—Ene! Ointxe etsi jetsat. Oingotik ez juagu emendik errez urtengo.

—Zer ba? —aiskide batek.

—Apostoluak pe barrura sartzen asi ditxuk eta...

* * *

V

FELIX LEGARREN TXISPIA

Felix Legarre Balenziaganian biarian ebillela, kamioi bat etorri ei jakuen aspaldi zain eben materixalakin. Alanbre muelle-gaixa ei zan rolluetan.

Kontra-maixuak agindu zetsen biargin batzueri kamioia deskargatzeko. Euren arteko zan Felix be.

Asi ziran karriuan. Ta, beste guztiak bizkar bakotxian rollo bana txintxilixka eroien artian, Felix Legarrek bat bakarrik. Ta, bera be patxaran, prixa barik.

Ori ikusi-ta, kontra-maixuori iraotu zan, ta esan zetsan:

—Zer, Felix, ik pe bestien pare, aldia bakotxian bana ezin ditxuk artu ala?

—Zer usten dok ba ik, belarritxakuak dirala ala?

* * *

Askotan izaten dan moduan, zozuak beliari, ipur-baltz. Olan ebillen erregaldarian lazkotxe burua eukan bat, Mari-Katilluneko tabernan, Felix Legarreri edarra jo nairik.

Bañia, asi besterik ez zan eiñ. Felixek, berak ekixan moduan, goxo-goxo berba eiñaz, esan zetsan:

—San Juan bisperan puxigiakin ibiltzen diranetako bat dirudik.

* * *

Beste bein, pase sasoia be bazan, ta ego-aixe eguna gañera, ta ez ebillen beste auturik usuak gora ta usuak bera baño. Felix, sartu zan

Mari-Katillunian, ta Rufinok, zerbaits esan biar ta berba eitxeko baño nagixago, esan ei zetsan:

—Felix, usuak ei dabixak.

—Bai. Iregaitxik ibilliko ditxuk bai.

* * *

Felix Legarre gutxin moduko zalia zan ollar-jokura. Bein, ba-ei zoian Untzaga-kalian ziar besapian "Kanelo" bere ollar maitxia ar-tuta, zein da ume txiki bat balitza bezela. Isaak Biteri medikua eto-rren bestaldetik eta zerbaits esan biarrez:

—Ba-oia...

—Ba-najoiak.

—Eure olluorrekir.

—Ollua? —Felixek erantzunez—. Ollua esan dok? Ollua ala ollarra dan igartzen eztakixanak, zera igarriko jok katarrua ala plu-munisia dan.

JUAN SAN MARTIN.

